

四庫全書

史部

欽定四庫全書

史部

長安志卷十五至

詳校官左都御史臣李 綏

編修臣程嘉謨覆勘

總校官編修臣王燕緒

校對官中書臣李 垚

謄錄監生臣任楫文

欽定四庫全書

長安志卷五

宋 宋敏求 撰

宮室三

漢下

後漢獻

晉司馬

前後秦

前秦苻氏

後秦

西魏元

後周

宇文

漢

太上皇廟

三輔黃圖曰太上皇廟在長

安城中

中壝室

街酒池之北

高廟

漢書注晉

灼曰三輔

黃圖高廟在長安城中西安門內東太常街南有鐘十

枚可受十石撞之聲聞百里三輔故事曰高廟鐘重至

十二萬斤光武至長安見宮闈盡廢宗廟為墟乃徙都洛陽合聚十廟於高廟作一廟分十二室太常卿一人別治長安專掌高廟事 原廟漢書曰惠帝為東朝長樂宮作複道

於武庫南叔孫通諫曰此高帝月出遊衣冠之道也子孫奈何乘宗廟道上行哉帝懼曰急壞之通曰人主無過舉今已作百姓皆知之矣願陛下為原廟渭北衣冠

月出遊之益廣宗廟大孝之本上乃詔有司立原廟 漢

高祖廟已在長安城中孝惠廟開中記曰惠帝
惠帝於渭北作廟謂之原廟廟在高廟之西顧
成廟漢書曰文帝四年作顧成廟 服虔曰廟在長安城
中乃文帝廟也應劭

曰文帝自為制度卑狹若顧望而成猶文王靈臺不日成之意也故名曰顧成雀豹古今注曰漢顧成廟有二

玉鼎二真金爐

十道志

曰在萬年縣北苑內

德陽宮漢書曰德陽宮乃景帝

廟也帝自作之諱言廟故為宮

西京故事曰鴻嘉二年八月乙卯孝景廟北闕

災孝武廟

帝王世紀曰孝武廟名淵龍廟在茂陵東

孝昭廟

二廟內武昭子孫分葬其中

千人聚漢書曰武帝衛皇后埋長安城南桐柏宣帝即

位置園邑三百家

師古曰桐柏亭名在長安城南杜門

外大道東以倡優雜伎千人葬於邊

故號千人聚其地在今長安城內金城坊西北隅

庚后園漢書曰庚太子妃史

良娣也太子遇害良娣亦死宣帝即位思悼不已尊太

子為悼皇考妃號戾后改葬長安白亭東故號曰戾后

園皇考廟漢書曰宣帝元康元年立皇考廟益奉明園

戶為奉明縣師古曰奉明園即樂遊廟關中記曰宣帝

皇孝孫之葬所也樂遊廟許后葬長安縣

樂遊里立廟於曲江池北名曰樂遊廟因里為名

孝元廟漢書曰王莽壞孝元

廟更為文母太后起廟獨留孝元廟故殿為文母篋食

堂篋音撰

孝成廟帝王世記曰成帝廟在池陽

渭陽五帝廟漢書曰文

帝十五年夏四月始幸雍畤郊見五帝齊人新垣平以

望氣言長安東北有神氣成五采於是詔作渭陽五帝

廟 廟記曰五帝廟
在長安東北

右宮廟章終

圜丘

括地志曰漢圜丘在長安治內四里居德城東南隅漢書載平帝元始五年王莽奏言武帝始立太乙祠於甘泉建始元年徙甘泉太乙祠河東后土祠於

長安南北郊永始元年復甘泉河東二祠綏和二年復長安南北郊建平三年又復甘泉汾陰又用孔光等議罷二祠復長安南北郊冬至日於地上祀圜丘乃天地之祭也祭郊與祀圜丘一事兩名耳水經注曰昆明故渠南有漢故圜丘崇二丈周圍一百二十步北郊

見上靈臺明堂漢書曰武帝造在長安城南平帝元始

四年王莽奏復脩明堂辟雍

水經注曰昆明池故辟雍渠東有明堂及辟雍

漢書曰成帝時犍為郡水濱得磬十六枚劉向請因舊宮

復辟雍庠序三雍宮漢書曰武帝元光五年冬十月河

間王德來朝獻雅樂對三雍宮

應劭曰三雍者辟雍靈臺明堂也雍者和也言

天地君臣民人皆和曲臺如淳曰行射禮於曲臺晉灼曰曲臺天子射宮也西京無大學故於此行射禮

大學漢書曰王莽為宰衡復大學弟子書舍萬區起市

郭上林苑中其門東曰修仁之門南修禮之門西守義

之門

三輔舊事曰漢大學中有市有獄關中記曰漢大學明堂皆在長安城南安門之東杜門之西

右郊丘章終

中朝漢書曰中朝內朝也大司馬左右前後將軍侍中

常侍散騎諸吏為中朝丞相以下至六百石為外朝也

東朝

如淳曰太
后朝也

禁省

如淳曰本名禁中漢儀注曰
孝元皇后父名避之故曰省

右朝省章終

黃門漢書曰元帝初元二年詔罷黃門乘輿狗馬

師古
曰黃

門近署也故奉
御之物在焉

黃門鈞盾藏府中尚方長樂御府中御

府都內平準帑藏尚方

少府之屬官也
作供御器物

丞相府

西京雜
記曰平

津侯公孫弘自以布衣為丞相乃大開東閣營客館招
延天下士人其外曰欽賢之館以待大賢之士次曰翹

材之館以待大材之士又次曰接士之館以待國士其有德有賢可佐理陰陽者處之欽賢館其有材堪九卿將軍二十石者居翹材之館其有一介之善一方之藝者居接士之館而躬自菲薄所得祿俸悉以待三館之士黃霸為相鵠雀飛集丞相府御史大夫府漢書曰哀帝時御史府舍

百餘區倒塌井水皆竭府內柏樹百餘株有野鳥數千栖宿其上晨去暮來號曰朝夕鳥鳥去數月不來父老

異之鴻臚府

王莽以鴻臚府為定安太后宮

保宮

少府屬官有居室武帝更名曰保宮李陵

降匈奴以母繫保宮

司隸府

舊儀曰司隸府治故府即孝武帝廟也

中尉府

舊儀曰中尉府

在尚冠里街東

京兆府

即廢中

左馮翊右扶風府

並在長安城中

長安

厨三輔黃圖曰北出中門凌室漢書曰永始元年正月有長安厨故曰厨城門凌室漢書曰

癸丑大宮凌室災敖倉漢書曰惠帝六年六月長安西

市修敖倉狗監

掌天子之田犬都廐

惠帝七年七月廐災

未央廐

舊儀

廐馬皆萬匹

承華

登華廐

登一作成

金廐

三輔黃圖曰金廐共九廐在長安城內

輅軫廐大廐果馬廐輅梁廐騎馬廐大宛廐胡河廐駒

鰥廐霸昌廐

郡國志曰霸昌廐在長安西三十里又曰三十五里

蠻夷邸

元帝建昭三年

斬單于郅支首詣京師懸於

蠻夷邸師古曰若今鴻臚客館又陳湯傳斬郅支王首懸於橐街蠻夷邸三輔黃

圖曰蠻夷邸在長安城內橐街若盧獄

屬少府黃門北寺

掖庭祕獄

漢舊儀曰

掖庭詔獄

以宦者為之理婦人二十四獄三輔黃圖曰長安城中有獄二十四所

右宗府章終

漢長安城

在今府之西北是也

本秦離宮也漢書曰高帝七年長

樂宮成自櫟陽徙都之惠帝元年正月城長安

水經注曰長安

有秦離宮原無城故惠帝城之也

三年春發長安六百里內男女十四

萬六千人城長安三十日罷

鄭氏曰城一面故只一月而罷

六年六月發諸

侯王列侯徒隸二萬人城長安

長役不止

五年正月復發長

安一百里內男女十四萬五千人城長安三十日罷九

月復作城成賜民爵戶一級

帝王世紀曰漢初置長安城嫌其狹小至惠帝增廣

築之漢舊儀曰長安城十三里

經緯各長十五里一十

二門城中地九百七十三頃八街九陌三宮九所三廟

三輔舊事曰長安城似北斗周地圖記曰長安城南為

南斗形北為北斗形周圍六十五里八街九陌九市續

漢書郡國志曰長安城方三十里經緯各長五十里十

二城門內九百七十三頃城中皆屬長安今三秦記曰

長安城中地土皆黑壤今城赤何也且堅如石如金

父老所傳曰鑿龍首山中土以為城及諸臺閣亦然

十二城門門各有候

蕭望之為小苑東門候

東出北頭三門

第一門名曰宣平門外郭門曰東都門

第二門名曰清明門外郭門曰東平門又曰東城門

第三門名曰霸城門外郭門曰青門亦曰清城門門外出好瓜昔廣陵人邵平為秦東陵侯秦亡棄仕於青門外種瓜

南出東頭三門

第一門名曰覆蓋門又曰下杜門端門與洛門相對去一十三里二百一十步門外有魯班所造

橋北對長樂宮故曰端門

第二門名曰安門又曰鼎路門

第三門名曰西安門北對未央宮平門

西出南頭三門

第一門名曰章門又曰章城門

第二門名曰宣城門

第三門名曰雍門

北出西頭三門

第一門名曰橫門

第二門名曰洛門

第三門名曰利城門

右京城章終

八街九陌

華陽街香室街

在司天臺北

章臺街

在長安建章臺下街

夕陰街

在右扶風

南尚冠街

在夕陰街之後

太常街藁街

師古曰藁街有蠻夷邸

郅支王首懸於藁街

前街漢書長安有熾盛街九市

長安有九市內六市在道東三市在道西

四

市

武帝戾太子起兵驅人凡數萬衆至西闕下

四市

柳市

長安中豪俠萬家在

柳市

師古曰細

柳倉有

東市漢書晁錯腰斬東市西市

惠帝六年六月
柳市起長安西市

直市

在渭橋北秦文公造直市平準物價故曰直市

交門市

在渭橋之北

孝里市

在雍

門之交道亭市

在便橋東尚冠里脩成里黃棘里宣明里建

陽里北燠里南平里戚里

高祖娶石奮妹為美人移家於長安城中號此曰戚里帝王之

姻戚

函里大昌里秦帝亭代邸楚王邸蕭何第漢書曰也

蕭何置田宅必居窮僻處王莽為安漢公以故蕭何宅為安漢公第北第惠帝賜夏侯嬰居曰令近我以尊異

之以其地近北闕

霍光甲第

甲者一也第

第一區宅王根第王商第

董賢第

師古曰時長安三
第賢弟為最華

右街陌里第章終

後漢獻帝宮在長安故城中本京兆府舍也帝王世紀
曰獻帝聞關東兵起董卓遷帝都長安見未央等宮遭
赤眉之亂宮室廢弛故居京兆府舍

晉太極殿周地圖記曰太極殿晉愍帝之宮在長安南

門後姚興重建

前秦

苻氏

後秦

姚氏

太極前殿晉書曰苻健皇始八年稱天王大單于都長安
安繕宗廟即位於太極前殿至子厲王苻生享羣臣於
太極前殿至苻堅建元十七年春正月懸朱簾於太極
前殿以朝羣臣來賓館前秦苻堅永和十年西虜乞沒
渾邪遣子入侍置來賓館於平朔門以懷遠人東華門
平朔門靈臺杜門朝門文武苑以上自東華至文武苑皆後秦姚興父子所置晉
將王鎮惡伐秦東宮晉桓溫伐秦將兵入關健太子姚入自平朔門襄與溫戰死立其子生為太子健

寢疾其兄子萇勒兵入東宮欲殺生而自立時生侍疾在健所著以健死攻東掖門健升端門陳兵拒之使生執

萇殺之

於東宮下

東掖門端門雲龍門

以上並秦苻氏所有清

河王苻法率壯士入雲

龍門廢苻生

東堂

姚興講論

道理之所

西廡

苻堅斬樊世

明堂

苻堅

而立苻堅

東堂

道理之所

西廡

苻堅斬樊世

明堂

苻堅

祀苻健以配

露堂

苻堅將為赦與王猛

於明堂

苻融密議於露堂

東闕

苻堅僭位

上帝於明堂

苻堅親臨太學

考試諸生問難五

辟雍

苻堅行

闕

太學

經至後秦姚萇立

太學以禮賢士

辟雍禮於辟

雍

祀先

明光殿晉書曰有人入秦明光殿大呼曰甲申

乙酉魚羊食人悲哉無復遺

明光殿者秦

聽訟觀

苻堅

在未央宮南

西堂

車師前部鄧善王

林密駄朝于

秦堅賜以朝服引見於西堂

東苑

苻堅

遊

命沙門道

徽音堂

在惡犬城之

社稷

秦姚萇立於長安
外苻氏造也

社稷

永安宮

姚萇

律學

姚興

所立諮詢堂

姚興常臨此堂

社稷

立姚晃子姚元子

監國政入西宮

逍遙園

姚興常於逍遙園

聽番僧鳩摩羅什演講佛經

起逍遙宮殿庭左右有樓閣高百尺相去四十丈以麻

繩大一圈兩頭各拴樓上會日令二人各從樓內出從

繩上行過以

澄玄堂

在逍遙園中鳩

摩羅什演經所

黃龍門

姚興之宮

門也

貴里有波若臺

姚興集沙門五千餘人有大道者五十

人起造浮圖於永貴里立波若臺居中

作須彌山四面有崇岩峻壁珍禽異獸林木極

精奇仙人佛像俱有人所未聞皆以為希奇

南臺武

庫朝堂

皆秦姚興所立

西魏孝武帝以雍州公廨為宮北史魏

孝武帝永熙三年高歡入洛宇文泰迎帝入長安

以雍州公

廟為宮居之

逍遙園

帝宴侍臣曰此處彷彿逍遙觀也

清暉室

魏文帝大統四年祀天於

清暉

陽武門

文帝大統五年十月於陽武門外懸鼓置紙筆以求直言得失

憑雲觀

七年十二月帝御憑雲觀引見諸王叙宗人之禮

圜丘

大統十一年冬築圜丘於城南

逍遙觀

帝常登此觀望逍遙園見嵯峨山慨然

詔左右曰望見此山令人有脫塵之意

後周露

門圜丘方丘大社大廟乾安殿北史孝閔帝宇文氏元

年春正月即位柴燎告天朝百官於露門祀圜丘大社

大廟御乾安殿班賞有差昆明池觀魚

博士姜項諫而止

右寢

閔帝聽訟

延壽殿

明帝元年九月朝羣臣於延壽殿

正武殿

周明帝武

於正武殿

紫極殿重陽閣芳林園麟趾殿

並明帝所

有殿閣也

大武殿

帝並聽訟

大學津門露寢

皆武帝所興大學從三老問道德之所

道會苑

武帝講武臨射之所

露門學

武帝天和七年於露門學置生員七十二人宣

帝大象二年二月於露門學親行釋奠之禮

大德殿玄都觀崇信殿雲陽宮肅章門會義殿含仁殿

雲和殿思齊殿青城門大極殿

以上皆武帝所立

天臺正陽宮

青門露寢天興宮

皆宣帝所立自號天元

孔子廟

大象二年置以祭享應門

大象二年三月宣帝幸同州出自應門至赤岸澤數十里幡旗蔽日鼓樂俱作咸陽宮

宣帝大象二年

四月幸中山雨作於咸陽宮避雨御宿天德殿通道觀軍器監崇義宮連珠殿雲和樓皆後周宮室也

右後漢晉秦魏周宮室章終

長安志卷五

欽定四庫全書

長安志卷六

宋 宋敏求 撰

宮室四

唐上

京城即隋文帝開皇二年自故都徙其地在漢故城之東南屬杜縣周之京兆郡萬年縣界南侵終南山子午谷北據渭水東臨灞滻西枕龍首原命左僕射高熲總領其事太子左庶子宇文愷創制規模將作大匠劉龍

工部尚書鉅鹿郡公賀樓子幹大府少卿尚龍義並充使營建

右創都章終

宮城東西四里南北二里二百七十步周一十三里一百八十步崇三丈五尺南即皇城北抵苑東即東宮西有掖庭宮

右宮城章終

西內

南面有
六門

正殿南承天門

隋開皇二年作初名曰唐
陽門仁壽元年改曰昭陽

門唐武德元年改曰順天門神龍元年改為承天門外有朝堂東有肺石西有登聞鼓龍朔後天子常居大明宮乃謂此宮曰西內神門東曰長樂門次東曰廣運門

有左藏庫次北有舊右藏庫

後有弘文館西北有

武庫北入歸仁門又北乾化門門內入宮中

次東曰重明門次東曰永春門即東宮之正門門東西有左右永福門

承天門之西曰永安門

北入安仁門若元正冬至陳樂設宴會赦宥罪除

舊布新當萬國朝貢使者四夷賓客則御承天門以聽

政焉東面一門鳳凰門

隋曰建春門後改通訓門明皇時鳳凰飛集通訓門詔改曰鳳

門鳳西面二門南曰通明門北曰嘉猷門北面三門正北

曰玄武門次東曰安禮門東宮北門曰玄德門當承天
門內北曰太極門隋曰大興門後改曰乾福門貞觀八年改為太極門殿東隅有鼓樓西隅有鐘樓貞觀四年置其內正殿曰太極殿隋曰大興殿武德元年改有東閣西上閣朔望視朝則登此殿東廊有左延明門西廊有右延明門太極門外承天門之內曰嘉德門東廊有歸仁門西廊有納義門嘉德門東有恭禮門西有安仁門門下省左右延明門東南中書省左右延明門西南舍人院在中書省東弘文館在門下省東武德四年置聚天下書籍貞觀六年選

朝官有才學者以充學士九年改為昭文館玄宗開元七年復舊史館在門下省北貞觀三年置祕書內省以修五代史又置史館以編國史尋廢秘書內省太極殿北曰朱明門左曰乾化門右曰肅章門肅章門西曰暉政門乾化門東曰武德門其內曰兩儀殿在太極殿後隋曰中華殿至貞觀五年改常日聽政視事則臨此殿其西萬春殿新殿千秋殿公主院左有獻春門右有宜秋門百福門內曰百福殿宣宗改雍和殿內又有親親樓諸王會宴之所

也承慶門內曰立政殿立政門東內曰大吉門門內大吉殿甘露門內甘露殿在兩儀殿之北殿門外有東西永巷東出橫門又東有日華門西出橫門又西有月華門院北有東西千步廊西有掖庭明皇自蜀還常居西內甘露殿左有神龍門內曰神龍殿在武德殿後右曰安仁門內有安仁殿在甘露殿西乾化門內佛光寺在神龍殿西歸真觀在安仁殿後觀後有絲綵院院西有淑景殿殿西有第三落次西第四落又次西第五落延嘉殿在甘露殿

西北殿南有金水河往北流入苑殿西有咸池殿延嘉
北有承春殿殿東即玄武門北入苑殿西有昭慶殿殿
西有凝香閣閣西有鶴羽殿延嘉西北有景福臺臺西
有望雲亭延嘉東有紫雲閣閣西有南北千步廊舍南
至尚食院西北盡宮城閣南有山水池次南即尚食內
院紫雲閣之西有凝陰殿異聞集曰天寶七載旱明皇
於此令華靖天師祀鏡龍遂
得甘雨殿南有凌煙閣貞觀十八年太宗圖畫功臣之像
二十四人於閣上帝自為讚詞褚遂良題額又有功臣

閣在凌煙之西東有司寶庫凝陰殿之北有毬場亭子

一作鞠
場亭子

弘文殿觀雲殿北海池南海池東海池西海池

永安門西有掖庭南隅有內侍省又有興仁宣猷崇

道惠訓昭德正禮宣光適祖光昭華光暉儀壽安縷福

等門

右西內章終

嘉壽殿紫微殿貞觀末阿史那社尔平龜茲獻俘於此

殿翰林院在明福門內金波門貞觀二十二年勅皇太子聽

政於金波門長樂殿

右別見章終

大安宮

太宗初居承乾殿武德五年高祖以秦王有克定天下功特降殊禮別建此宮以居之號弘義宮八年帝臨幸謂羣臣曰朕以秦王有大功故於宮中立山村景勝雅好之至貞觀三年徙居之改名曰大安宮

此宮在城之西垂拱前殿戢武殿文殿翠華殿祭酒臺

右大安宮章終

掖庭宮宮城東西四里南即皇城北抵苑掖庭西門貞

觀二年勅左丞戴胄於披庭西門簡宮人出之按披庭
宮蓋高祖所起宮人教藝之所也

右披庭宮章終

東宮正殿曰明德殿本名嘉德殿東廊左嘉善門西廊
右嘉善門疑此殿即顯德殿太宗即位之後避中宗名改也南有嘉德門門外
東廊有左永福門西廊有右永福門正南有宣明門當
宮坐者南面有永春門嘉德東有奉化門北有宜春宮
門外道東有典膳廚道西有命婦院宜春北院宮門外

有左春坊坊南有崇文館嘉德西有西奉化門北有宜

秋宮門外有右春坊坊內崇教殿麗正殿

開元改為集仙殿十三年

又改集賢殿光大殿承恩殿崇文殿崇仁殿八風殿射殿又

有亭子山池佛堂等院左右長林門

本名宏禮嘉福高祖武德九年改重

光宣
明門

右東宮章終

禁苑在宮城之北

隋曰大興苑開皇元年置

東西二十七里南北三

十三里東接灞水西長安故城南連京城北枕渭水苑

西即大倉北距中渭橋與長安故城相接東西十三里南北十三里亦隸苑中苑中四面皆有監南面大樂監北面舊宅監東監西監分掌宮中植種及修葺園囿等事又置苑總監領之皆隸司農寺苑中宮亭凡二十四所南面三門中曰景曜門東曰芳林門西曰光化門東面二門南曰光泰門北曰昭遠門西面二門南曰延秋門北曰玄武門北面三門中曰啓運門一曰苑北東曰飲馬門西曰永泰門啓運門之南有內苑北曰重玄門東曰

東雲龍門西曰西雲龍門苑內有南望春亭北望春亭
坡頭亭柳園亭月坡毬場亭子有青城龍鱗栖雲凝碧
上陽五橋廣運潭九曲宮去宮城十二里在左右神策
軍後宮中有殿舍山池貞元十二年詔浚魚藻池深一
丈至穆宗又發神策六軍二千人浚之蠶壇亭在苑之
東皇后祀先蠶
禎興亭玄沼宮神臯亭七架亭青門亭去宮城
十三里在長安故城之東邵平種瓜之所桃園亭去宮城四里
臨渭亭咸宜宮未央宮二所皆漢之舊宮也去宮城二

十一里唐置都邑之後因其舊址復增修之宮側有未
央池漢武庫及樗里子墓武宗會昌元年因遊畋至未
央宮見其遺址詔葺之尚有殿舍二百四十九間作正
殿曰通光殿東曰詔芳亭西曰凝思亭立端門命翰林
學士裴素撰記永泰門去宮城二十三里西北角亭南
昌國亭北昌國亭流盃亭在未央宮北漢之舊址明水
園以上九所並在漢故內隸舊宅監所領也內苑自玄武門外北至重玄門
一里東西與宮城齊觀德殿在玄武門外永安殿東西

外垣門日營門月營門其北重玄門

舊內苑北門也魚糧門舊重

玄門東內苑南北二里與大明宮城齊東西盡一坊之地

南即延政門北即銀臺門東即太和門龍首殿龍首池

凝暉殿一作承暉憲宗置也靈符應聖院在龍首池東會昌元年

造內園小兒坊傍有看樂殿內教坊

元和十四年復置伏內教坊

東

下馬橋東頭御馬坊文缺 東御馬坊毬場環龍武

軍直殿及亭子殿

右禁苑內苑章終

昆明池漢武帝置以習水軍欲征昆明國故就此名至

秦姚興時竭唐德宗貞元十三年命京兆尹韓臯充使

浚之追尋漢制引交河灘水合流入池又有蓬萊池凝

碧池

一作臨碧

敬宗時幸凝碧池令軍士取魚長大者送新

浚池又梨園在通化門外正北禁苑南有文宗會昌殿

含光殿昭德宮櫻桃園東西葡萄園光啓宮雲韶院

右別見

東內大明宮在禁苑之東南南接京城之北面西接宮

城之東北隅南北五里東西三里貞觀八年置為永安

宮後改名曰大明宮以備太上皇清暑百官獻貲財以

助役龍朔三年大加興造號曰蓬萊宮咸亨元年改曰

含光宮尋復大明宮

初高宗命司農少卿梁孝仁製造此宮北據高原南望夾岸每天晴

日朗南望終南山如指掌京城坊市街陌俯視如在檻內蓋其高爽也

南面五門正南曰

丹鳳門至德三載改為明鳳門尋復舊名

本當京城朔善坊北門置

宮後分朔善求昌各為二坊當中開街廣一百二十步南北盡二坊之地南抵永興坊北門之東

丹鳳

東曰望仙門

南當皇城東第二街

次東曰延政門

抵長樂坊

之北丹鳳西曰建福門南抵光宅門外坊之北望仙建福二門內各有下馬橋跨東西龍首渠

門外有百官待漏院次西曰興安門東面一門曰大和門

西面一門曰日營門次北面一門曰玄武門

德宗造門

樓外設兩廊持兵宿衛謂之北衙丹鳳門內當中正殿曰含元殿武后

改曰大明殿即龍首山之東麓也階基高平地四十

餘尺南去丹鳳門四十餘步中無間隔左右寬平東西

廣五百步龍朔二年造蓬萊宮含元殿又造宣政紫宸

蓬萊三殿

此本苑內觀德殿為三九臨射之所改拆為含元殿也

殿東南有翔鸞

閣西南有栖鳳閣與殿飛廊相接又有鐘樓鼓樓殿左右有砌道盤上謂之龍尾道夾道東有通乾門西有觀象門閣下即朝堂肺石登聞鼓一如承天之制又有金吾左右

仗院殿後有宣政門門外東廊有齊德門西廊有興禮門一作齊禮興德門宣政門內有宣政殿殿東有東上閣門殿

西有西上閣門殿前東廊曰日華門東有門下省省東弘文館次東史館館東南北街南出含耀門門南曰昭訓門北曰崇明門殿前西廊曰月華門西有中書省省

北曰殿中內省西有命婦院北有親王待制院省西南北街南出昭慶門南當光範門昭慶門北曰光順門宣政殿北曰紫宸門內有紫宸殿後有蓬萊殿次東有含象殿後有延英門內有延英殿肅宗時御座生玉芝一莖三華至僖宗乾符中改為靈芝殿自蜀還復舊名殿相對思政殿待制院蓬萊後有含涼殿後有太液池池內有太液亭子穆宗時命侍講常處厚等入此亭講毛詩尚書文宗又命纂集尚書中君臣事跡令工匠刊於

太液亭以備觀覽清暉閣綾綺殿

在蓬萊殿之西

北珠鏡殿

環周殿在蓬萊西承歡殿在環周南金鑾殿在環周西

北長安殿

長樂一名

在金鑾西南又有金鑾御院宣化門武

德西門浴堂門內有浴堂殿又有浴堂院長安殿北有

仙居殿殿西北有麟德殿此殿三面南有閣東西皆有

樓殿北相連各有障日閣

大內宴多在於此殿

東亭會慶亭東面

左銀臺門西面右銀臺門內侍省右藏庫次北翰林門

內翰林院學士院又東翰林院北有少陽院結麟殿翰

林門北曰九仙門大福殿拾翠殿三清殿含水殿承香殿
在含水殿東南北有長閣紫蘭殿在承香殿東北玄武殿
在紫蘭東北明義殿在紫宸殿西大角觀在珠鏡殿東北
玄武門左曰銀漢門右曰凌霄門宮垣之外兩邊掖門門
內有凝霜殿碧羽殿紫簫殿鬱儀閣承雲閣脩文閣

右東內大明宮章終

長生殿教坊唐紀曰玄宗置左右教坊於蓬萊宮側帝
自為法曲俗樂以教宮人號皇帝梨園弟子光政門景

運門命婦朝堂文成殿白華殿

叛臣朱泚逆於此殿僭號

玄莫觀

含寧殿玉清殿竹樓柿林院中和殿會政殿臨碧殿元

和殿宣光殿宣明殿臨光殿大明殿

武宗政要曰帝興傳位於大明殿

興

泰殿德政殿嘉慶殿凝化殿會昌殿永安殿穆宗置也

與后妃公主宴樂所

玄化門晨暉門寶慶殿百尺樓照德門清思

殿壽昌殿

長慶元年柱生玉芝一莖長六尺是年穆宗降誕於此宮中

宣和殿昇陽

殿延嘉門景風門清思院

敬宗作工用銅鑑三千片金薄十萬餅諫官薛庭老切諫

不聽東殿仙韶院文宗開成三年造內山亭院

取浙西隱士周息元

於內山亭放鴨池野狐落

大和二年十一月甲辰禁中
火災從昭德寺起延燒宣政

殿東午門益熾宮垣半為灰燼寺之南禁中呼為野狐
落宮人居此者為火所逐攀援墻垣以出不出者焚
死數百人又延燒門下省

昭德寺太和殿宣徽殿咸泰

殿文宗開成三年正月望夜燃燈於咸泰殿中

三宮太后諸王公主俱集此宴行家人禮

文思殿

崇玄館天寶中明皇命周尹愔為崇玄館學士值祿山

兵亂館宇浸廢至武宗特詔營創置吏鑄印以劉玄靜

為崇玄館學士號廣成先生入居靈符殿望仙臺武宗

時命神策軍士脩望仙樓及廊舍五百餘間大中八年

復命葺之補闕陳嘏上疏諫而止改為文思院倉春亭

睿武樓乾符門五王內院宣宗時變王以下五王居大

明宮內院侍讀五日一入乾符門講讀延資庫咸寧殿

靈臺殿永安宮孝明鄭太后所居左齊藏天儲庫一作
僖

章信門安喜門昭德殿

龍紀元年殿東
隅獲金龍一

雲韶殿

此殿嘗
考試舉

人同文殿昭敬殿唐一十八章御容在也昭宗光化三

年有禿鶩鳥鳴於此殿

蓋唐祚將終之兆也

乞巧樓光化三年造二樓構飛橋以通來往思玄門應乾門問安宮昭宗傳

位於太子居東內為問安宮紫延院保寧殿昭宗宴李
繼昭等將於保寧殿親製成功曲以褒之仍命伶官作
樊噲排君難雜戲以樂之壽春殿保安殿延喜樓長樂
樓

長安志卷六

欽定四庫全書

長安志卷七

宋 宋敏求 撰

唐皇城

唐京城

三城俗號子城

俗號子城

東西五里一百一十五步南北三里一百四

十步南面三門正南曰朱雀門

北當宮城之承天門
南當外郭之明德門

東

曰安上門至德三載改為光天門後復舊西曰含光門東面二門南曰

至德三載改為光天門後復舊

景風門北曰延喜門

直東當外郭之通化門正元四年脩延喜門復屬於承天門回鶻使

及回鶻公主至德宗御延喜門觀之宣宗御延喜門見河隴老幼數千人賜以冠帶

西面二門南

曰順義門北曰安福門

西當外郭之開遠門朝野僉載曰睿宗先天二年正月十五日

十六十七夜於京安福門外作燈輪高二十丈衣以錦綺飾以金銀燃五萬盞燈望之如花樹宮女千數衣羅綺曳錦繡耀珠翠施香粉一花冠一巾悅皆至萬錢裝束一妓女皆至三百貫妙簡長安萬年少女婦千餘人衣服花釵媚子亦稱是於燈輪下踏歌三日夜歡樂之極未始有之武元衡赴西川節度憲宗御安福門慰遣

之懿宗御此門迎鳳翔佛骨昭宗天福元年御安福樓按貞元四年築武德東門垣屬於是武庫以西廢焉武

德東門當在西內城中南北七街東西五街其間並列臺省寺

衛

自兩漢以後至於晉齊梁陳並有人家在宮闈之間隋文帝以為不便於事於是皇城之內唯列府寺不

使雜人居止公私有辨風俗齊肅寶隋文新意也

宮城南門外有東西大街

南北

三百步東出皇城之延喜門西出皇城之安福門

永天門外橫街之南有南北

二街曰承天門街

東西廣百步南北出

承天門街之東宮城之南第二橫街之北

從西第一門下外省次東殿中省次東左千牛衛次東

左衛

隋左監門衛左翊衛二府之地武德初併為此衛門額本睿宗所題開元初進入內

街東安

上門街街東第一東宮內作坊次東右春坊次東右清

道率府次東右監門率府府北右內率府府東東宮朝
堂有北街街東第一左監門率府府北左內率府次東
左青道率府次東家令寺次東左春坊坊東有南北街
街東即皇城東

面延喜
門之內

承天門街之東第三橫街之北

從西第一左監門衛武德中分取左武衛
地自此衛移於此 次東左武衛

次東貞觀中有左
金吾內府後廢 次東左驍衛衛東安上門街街東第

一東宮僕寺次東率更寺次東右司禦衛次東右衛率

府府東有南北街

北當東街宮朝堂

街東第一左衛率府次東左

司禦衛次東詹事府

府東有南北街
東即皇城之東西

承天門街之東西第四橫街之北

從西第一尚書省

省門額本睿宗書開元初進入內今額右庶子魏華所題省內當中有都堂

本尚書令廳事都堂之東吏部戶部禮部三行每行四司左司統之都堂之西兵部刑部工部三行每行四司右司統之舊戶部在禮部後武太后改從天地六官之名以戶部為地官因移在前凡二十四司左右丞相總領其事考功員外郎廳事有薛稷畫鶴朱之問為讚工部尚書廳事有薛稷畫松石並為時所重右丞廳前有古冢俗誤為樗里子墓按國史補曰郎官正事吏部郎中二廳先小銓次格式員外郎二廳先南曹次廢置刑

部分四覆戶部分兩賦其制尚矣舊說吏部為省眼禮部為南省舍人考功度支為振行比部得廊下食以餉從者號北監二十四曹呼左右司為都公省中語曰後行祠屯不博中行都門中行刑戶不博前行駕庫因語錄曰尚書省東南隅通衢有小橋相目為拗項橋言侍御史及殿中久次者至此必拗項而望南宮也都堂南門道東有古槐垂陰至廣相傳夜深聞絲竹之音省郎有入相者俗謂之音聲樹祠部呼為冰廳言其清且冷也省東安上門街街東第一都水監次東光祿寺寺東

有南北街

北當東宮朝堂開元初

街東軍器監

本少府監甲努坊後為軍器使開元

四年置監監東即皇城東西景風門之北

永天門街之東第五橫街之北

從西第一左領軍衛

衛北有兵部選院

次東左威衛

衛北有刑部格式院

次東吏部選院

以在尚書省之南亦曰吏部南院選人看榜名之所也

次東禮部

南院

四方貢舉人會所也

院東安上門街橫街抵此而絕

承天門街之東第六橫街之北

從西第一太僕寺

寺西北隅乘黃署別開北門署內財掌指南車記里數及輦輅之屬次

東太府寺

舊都水監之地

寺東安上門街街東第一少府監次

東左藏外庫院

隋太府寺置於此又分置坊院東有南北街街東即皇城東面景風門南也

承天門街之東第七橫街之北

從西第一太常寺寺東安上門街街東第一太廟

本隋其地

太府寺玉作坊坊中有御井貞觀中廢玉作坊於此置
太府寺賜坊以曝四方貢賦之物濕者先天中置廟廢
焉

中宗廟元獻皇后廟

章公肅禮閣新儀曰乾元元年立廟於太廟之西寶應二年遷

神主於太廟貞元三年修葺奉安昭德皇后神主永正元年祔於太廟

次東太廟署

署東南

並有街即皇城之東南隅也

承天門街之西宮城之南第二橫街之北

從東第一中書外省次西四方館

隋曰謁者臺即諸方通表事舍人受事

之次西右牛衛次西右監門衛次西右衛衛西舍光

門街橫街抵此而絕

承天門街之西第三橫街之北

從東第一右武衛

衛西貞觀中有右金吾內府後廢

次西右驍衛次西

含光門街西將作監

即皇城西南面安福門之南

承天門街之西第四橫街之北

從東第一司農寺寺西含光門街西第一尚書局

本帳

幕坊局內有山池次西尚輦局次西衛尉寺次西大理寺寺西

有南北街

街西即皇城西面順義門之北

承天門街之西第五橫街之北

從東第一右領軍衛次西右威衛

衛門本南向開元七年御史中丞李尚隱

以此衛南門與御史臺門相對不便遂白政事移門北向

次西秘書省

監院廳事前有隕星石隋

自咸陽移置於此少監王劭作瑞石頌以贊美之監院東有書閣重複以貯古今圖籍

省西倉光

門街橫街抵此而絕

承天門街之西第六橫街之北

從東第一宗正寺次西御史臺

御史臺記曰御史臺門北開蓋取肅殺就陰之義故京臺門北開矣按都故曰御史臺在宮城西南其門北開又故城御史臺亦北開龍朔中置桂坊為

東朝憲府門亦北開然都御史臺門南門當時創造者
不經反於故事同諸司蓋以權宜耶譚賓錄曰北開者
或云是隋初移都之時兵部尚書李圖通兼御史大夫
欲向省便近故開北門元和四年御史臺佛舍火罰直
御史李膺一季俸料次西司天監本隸秘書省為太史局後別為
監內有靈臺以候雲物崇七丈周八十步監西含光門街街西第一廢右臺
本公司農寺草坊之地載初中置臺先天下中廢後為御史臺推事院臺北司農寺草坊
北開次西驛驅馬坊坊門北開坊西有南北街街西即皇城西
承天門街之西第七橫街之北橫街南即皇城南面朱雀門之

西

從東第一鴻臚寺

德宗建中元年以鴻臚寺左右威遠營隸金吾

次西鴻臚各

館如漢之藁街四夷慕化及朝獻者所居焉

館西含光門街街西第一大社

南門額隋平陳所得即東晉王

右軍所題隋代重以粉墨模之次西郊社署

署西署南並有街即

皇城之宮城之西有掖庭宮掖庭西南安福門內大橫

街北有內侍省

隋長秋監唐貞觀元年為司宮臺神龍元年復舊省內有

紫蘭亭

右皇城

唐京城

外郭城

隋曰大興城文帝初封大興公及即位以名城縣門殿園池及寺焉唐曰長安城亦曰京師城

東西一十八里一百一十五步南北一十五里一百七

十五步周六十七里其崇一丈八尺

隋開皇二年築永徽四年命天下人日出抵終南山八十里

稅一錢更築之南面三門正中曰明德門

北當皇城朱雀門南有圓丘先農藉田

東曰啓夏門

門外西南二里有圓丘先農藉田三壇按長安圖東南角有進芳門

西曰安

化門東西三門北曰通化門

門東七里長樂坡上有長樂驛下臨滻水至德三載

改為達禮門尋復舊德宗幸通化門觀章敬寺迎御書額裴度赴蔡州憲宗送度於此接李晟自東渭橋移壁光泰門以薄都城光泰門在通化門東北小城之東門也兩京道里記曰通化門改達禮門識者曰三年之喪

天下達禮非嘉名三年而中宗晏駕還復舊名也

墓

南曰延興門

同昌公主葬懿宗與郭淑妃御延興門哭送

西面三門北曰

開遠門中曰全光門

西出昆明池趣

南曰延平門北面一門曰

光化門皇城之東五門

並北上大明宮

皇城之西二門當皇城

西第一街曰芳林門

隋曰華林門北入苑元和十三年西市百姓於芳林門置無遮僧齋

當皇城西第二街曰光化門

西北出長安故城趣

郭中南北十四

街東西十一街其間列置諸坊

隋煬帝改坊為里每里置里司一人官從九品

下至義寧初廢有京兆府萬年長安二縣所治寺觀邸第編戶

錯居焉

城中一百八坊韋述記曰其中有折衝府四僧寺六十四尼寺二十七道士觀十女冠觀六波

斯寺二祆祠四隋大業初有寺一百二十謂之道場有道觀十謂之玄壇天寶後所增不在其數

當皇

城南面朱雀門有南北大街曰朱雀門街東西廣百步

南出郭外之明德門自朱雀門至明德門九里一百十五步景龍中常庶人置石臺於此街在開化一坊之間雕刻緣縷上建頌臺蛟龍蟠遶下有石馬石獅子侍衛之像初韋氏矯稱衣箱有五色雲氣使畫工圖像以示於朝及節愍太子遇害韋氏乃上中宗聖威神武頌刊石以紀其事謂之頌臺上官昭容之文也并勒公卿姓名於上諂詞偽事有平典實景雲元年毀之萬年長安二縣以此街為界萬年領街東五十四坊及東市長安領街西五十四坊及

西市 皇城之東盡東郭東西三坊皇城之西盡西郭東西三坊南北皆一十三坊象一年有閏每坊皆開四門有十字街四出趣門皇坊之南東西四坊以象四時南北九坊取則周禮王城九達之制隋三禮圖見有其像每坊但開東西二門中有橫街而已蓋以在宮城直南不欲開北街洩氣以衝城闕幕布櫛比街衢繩直自古帝京未之比也朱雀街東第一坊東西三百五十步第二坊東西四百五十步次東三坊東西各六百五十步朱雀街西准此皇城之南九坊南北各二百五十步皇城左右四坊從南第一第二坊南北各五百五十步第三坊第四坊南北各四百步九市各方六百步四面街各廣百步

右外郭城

萬年縣所領朱雀門街之東從北第一興道

坊 景龍三年以駙馬都尉武攸暨父
名改曰瑤林坊景雲元年復舊

西南隅至德女冠觀 隋開皇六年立 **太平公主宅** 没官後賜散騎常侍李令

問居之

次南開化坊

半已南大薦福寺 寺院半以東隋煬帝在藩舊宅武德中賜尚書左僕射蕭瑀西為園後瑀子銳尚襄城公主詔別營主第主辭以姑婦異居有乖禮則因固請乃取園地充主第又辭公主榮戰不欲異門乃併施瑀之院門襄城薨後官市為英王宅文明元年高宗崩後百日立為大獻福寺度僧二百人以實之天授元年改為薦福寺中宗即位大加營飾自神龍以後翻譯佛經並於此寺寺東院有放生池周二百餘步

傳云即漢代洪池陂也

西門之北法壽尼寺

隋開皇六年立

國子祭酒韓

洄宅尚書左僕射令狐楚宅

按酉陽雜俎楚宅在開化坊牡丹最盛而李商隱詩

多言晉陽里第未詳

戶部尚書馬摠宅河東節度使兼侍中李光

顏宅

穆宗初賜第崇德坊以為別宅

尚書吏部侍郎沈傳師宅前司徒

兼侍中崔垂休宅漕渠

會要京兆尹韓朝宗分渭水入自金光門置潭於西市西街以

貯材木又永泰二年京兆尹黎幹以京城薪炭不給鑿渠自京兆府直東至薦福寺東街北至國子監正東至

子城東街並逾景風延喜門入苑

次南安仁門

本名安民門
永徽元年改

西北隅薦福寺浮圖院

院門北開正與寺門隔街相對景龍中宮人施錢所立

東

南隅贈尚書左僕射劉延景宅坊西南汝州刺史王昕

宅

延景即寧王憲之外祖昕即薛王業之弟是親王外家甲第並列京城之美之萬春公主宅

明皇女戶部尚書兼殿中監事仇兼瓊宅前中書侍郎

降楊錡

同中書門下平章事元載宅

譚賓錄曰元載城中開南北二甲第又於近郊起亭

榭帷帳什器皆如宿設城南別墅凡數十所婢僕曳羅綺二百餘人杜陽編曰載宅有芸輝堂芸輝香草名也

出于闐國唐寶錄曰改元載祖及母墳墓斲棺棄柩及焚毀載私廟木主并毀大寧安仁里二宅充修葺百司

廝宇洿宮之義也又貶同州刺史宋晦為澧州員外司馬晦嘗任虢州刺史率百姓採盧氏山木為載造東都

私第
故也 義武軍節度使同中書門下平章事上谷郡王張

孝忠宅太子右庶子崔造宅太子賓客燕國公于頤宅

太保致仕岐國公杜佑宅

次南光福坊

隋有聖敬寺
大業七年廢

坊東南隅舊有永壽公主廟

公主中宗女景雲中廢廟
賜姜皎為鞠場皎宅在廟

北隅街舊竇懷貞宅懷貞
誅後賜皇后妹夫竇庭芳驩州流人竇參宅檢校司空

尚書左僕射同中書門下平章事魏國公賈耽宅右衛

上將軍南充郡王伊慎宅

次南靖善坊

大興善寺盡一坊之地

初曰遵善寺隋文承周武之後大崇釋氏以收人望移都先置

此寺以其本封名焉神龍中常庶人追賜父玄貞為鄆王改此寺為鄆國寺景雲元年復舊西陽雜俎曰寺取

大興城兩字坊名一字為名不虛三藏塔前多老松歲旱時官伐其枝為龍骨以祈雨蓋以三藏役龍意其枝必有靈也東廊素和尚院庭有桐四株元和中名卿相多遊此院桐至夏有汗汙人衣如糲脂不可浣招國鄭相惡其汗謂素曰弟子為伐此樹各植一松也及暮素戲祝曰我種汝三十餘年汝以汗為人所惡來歲若復有汗我必薪之自是無汗素公不出院轉法華經三萬七千部夜常有貉子聽經齋時鳥鵠取掌中食天王閣長慶中造本在春明門內與南內連牆其形高大為天下之最太和二年勅移就此寺折時腹中得布五百端

漆數十簣寺殿崇廣為京城之最號曰大興佛殿制度與太廟同總章二年

火焚之更營建又廣前居十二畝之地

次南蘭陵坊

東南隅尚書右僕射韋待價宅宅西工部尚書李珍宅忠武軍節度使曲環家廟太子賓客燕國公于頤家廟

次南開明坊

自朱雀門南第六橫街以南率無居人第宅

自興善寺以南四坊

東西盡郭雖時有居者煙火接耕墾種植阡陌相連

光明寺

次南保寧坊

昊天觀盡一坊之地

貞觀初為晉王宅顯慶元年為太宗追福立為觀高宗御書額并製

歌

次南安義坊

坊南抵京城之南面西南通明德門

貞順武皇后廟

禮閣新儀曰開元二十五年立廟乾元之後祠享遂絕

右朱雀街東第一街九坊

朱雀街東第二街北當皇城南面之安上門

街東從北第一務本坊

景龍三年以駙馬都尉楊慎交父名嘉本

改為玉樓坊景

雲元年復舊

半以西國子監

監東開街若兩坊街北抵皇城南盡一坊之地監中有孔子廟貞觀四年立

領國子太學四門律書筭六學坊南街之北先天觀

景龍

三年高庶人立為朔聖女冠觀景雲元年改景雲觀天寶元載改為龍興道士觀至德三載改先天觀

本

司空梁國公房玄齡宅河中節度使兼中書令延德郡

王張茂昭宅左散騎常侍于德晦宅西川齊州進奏院

鬼輦市

歲時記曰俗說務本坊西門是鬼市或風雨曛晦皆聞其喧聚之聲秋冬夜多聞賣乾柴云是枯柴精地又或月夜聞鬼吟六街鼓絕行人歇九衢茫茫空有月有和者云九衢生人何勞勞長安土盡槐根

高

次南崇義坊

坊內橫街之北招福寺

乾封二年睿宗以藩第為之本隋正覺寺寺南北門額並睿宗所題

酉陽雜俎曰正覺寺國初毀之以其地立第賜諸王睿宗在藩居之乾封二年移長寧公主錦堂重建北寺長安二年內出等身金銅象一軀并九部樂南北門額上題岐薛二王親送至寺緣乘象輿羽衛四合街中餘香數日不散景龍二年詔寺中別建聖容院是睿宗在青宮真容也先天二年勅出內庫錢二千萬巧匠一千人重修

西南隅太守左庶子駙馬都尉蘇勗宅

後為英王園其地湫

之下無人居南街之北博陵郡王崔玄暉宅宅西祕書監馬懷

素宅工部尚書韋堅宅贈太尉段秀寶宅

德宗所賜宣宗大中十年

詔秀寶崇義坊宅諸院典在人上計錢三千四百七十五貫宜賜莊宅錢收贖仍令鴻臚少卿段文楚追貼舍人計會監鐵常平院尚書左僕射竇易直宅

明皇雜錄曰本中書令崔

圓宅祿山盜國王維鄭虔張通皆處於賊庭洎尅復俱困於宣陽里楊國忠之舊宅崔圓因召於私第令畫各有數壁當時皆以圓熟貴無二望其救解故運思精巧頗極能事其後皆得寬典至於貶謫悉獲善地其第鬻於易直大和劔南東川節度使王承業宅

武俊之孫士真子也

元鄜坊易定奏院

次南長興坊

隋有靈感觀武德初廢唐會昌五年詔皇城南六坊內不得置私廟

具朱雀街緣是南郊御跡至明德門夾街兩面
坊及曲江側近亦不得置餘圍外深僻坊並無
所禁初武宗行禮南郊見天街左右諸坊有人
家私廟遂令禁斷中書門下奏朱雀門至明德
門凡有九坊其長興坊是皇城南第三坊便有
朝官私廟實則逼近宮闈自威遠軍向南三坊
俗稱圖外地至間僻於此置廟無所妨礙從之

東北隅侍中駙馬都尉楊師道宅

其地後分裂左監門大將軍韓琦尚書刑部侍郎崔玄童荆府司馬崔光意等居

坊內橫街之南中書令張嘉貞宅

本太常少卿崔日知宅唐書曰貞元中裴延齡為德陽郡主治第時將降郭鏗延齡令嘉貞之子徙所置廟德宗不許按韋述記載嘉貞宅于此延齡所徙乃是廟而嘉貞碑宅在思順里今無思順坊未詳

宅西太

子賓客元行沖宅次北隅街禮部尚書致仕王丘宅邠

寧節度使馬璘宅

德宗實錄曰大歷十四年七月毀元載馬璘劉忠翼之第自天寶中京師

堂寢已極宏麗而第宅未甚逾制然衛國公李靖廟已為嬖人楊氏廐矣乃安史二逆之後大臣宿將競崇棟宇無界限立第極侈人謂之木妖而馬璘之堂尤盛計

錢二十萬貫他室稱是璘卒於軍以喪歸京師士庶欲觀之假名於故吏投刺會弔者數十百人故

命撤毀之自是京師樓榭之踰制者皆毀乾元觀代

寶錄曰大歷十三年七月以涇原節度使馬璘宅作乾元觀置道士四十九人其地在皇城南長興里璘初創

是宅重價募天下巧工營繕室宇宏麗冠絕當時璘臨終獻之代宗以其當王城形勝之地牆宇新潔遂命為

觀以追遠之福上資肅宗加乾元觀之名乾元肅宗尊號也然則與德宗實錄之言相戾紀國大長

公主宅

肅宗女
降鄭沛

工部尚書致仕晉昌郡主幸京果宅黃

門侍郎同中書門下平章事杜鴻漸宅

鴻漸於長興立
深第崇飾門館

賦詩曰常願追禪侶安能挹化源朝士多和之

太子右庶子韋聿宅漢陽大長

公主宅

即德陽郡主順宗長女

國子祭酒鄭伸宅

貞元人

禮賓院

元和

五年置在坊之北街鎮海軍節度使同中書門下平章事路隨宅

河東節度使王璠宅左神武統軍史憲忠宅河南尹駙

馬都尉鄭顥宅尚書右僕射駙馬都尉于宗宅鎮州進

奏院

次南永樂坊

坊內橫街之中有古冢不詳姓氏

西南隅廢明堂縣廨

總章元年分萬年縣置其廨地本
越王真宅長安三年廢還萬年後

以其廨地賜駙馬都尉裴異

縣東清都觀

隋開皇七年道士孫昂為文帝所重常自問道持為

立觀本在永興坊武德初徙於此地

本隋寶勝寺

觀東永壽寺

景龍三年中宗為永壽公主立

坊內橫街之北資敬尼寺

隋開皇三年太保薛國公長孫覽為其父立

東南

隅左丞相燕國公張說宅

本侍中王德真宅說大加修葺焉善相宅者曰泓師與說

置永樂東南第一宅有永巷者戒曰此宅西北隅最是王地慎勿於此取土越月泓又至謂燕公曰此宅氣候忽然索漠甚意必有取土於西北隅者公與泓偕行至宅西北隅果有取土坑三數坑皆深丈餘泓大驚曰禍

事令公富貴一身而已更二十年外諸郎君皆不得天
年燕公大駭曰填之可乎泓曰客土無氣與地脉不相
連今欲填之亦猶人有瘡痏縱以他肉補之終無益也
燕公子均垍皆為祿山委任克復後均賜死垍長流之

東門之南夏官尚書王璿宅兵部尚書判戶部事王紹

宅司徒中書令晉國公裴度宅

唐實錄曰度自興元請朝覲宰相李逢吉之徒

百計隳沮有張權輿者既為嗾犬尤出死力乃上疏云
度名應圖識宅據崗原不召而來其旨可見蓋常有人
與度作讖詞云非衣小兒坦其腹天上有口被驅逐言
度曾征討淮西平吳元濟也又帝城東西橫亘六崗符
易象乾卦之數度永樂里第偶當第五崗左監門衛上
故權輿以為詞意欲賊之然竟不能動搖

左監門衛上

將軍李思忠宅

武宗會昌二年嘔沒斯內屬賜姓李名思忠命為左監門衛上將軍兼撫王傳

賜第永樂坊 尚書兵部侍郎同中書門下平章事蕭寘宅

次南靖安坊

按靖或作靜

西南隅崇敬尼寺

本僧寺隋文帝所立大業中廢龍朔二年高宗為長安定安公主薨後改

立為尼寺東樂府

隋置

咸宜公主宅

玄宗女再降崔嵩

韓國正穆公

主廟

禮閣新儀曰德宗女自唐安公主追冊貞元十七年祔廟

太子賓客崔倫宅門

下侍郎同中書門下平章事武元衡宅尚書吏部侍郎

韓愈宅刑部侍郎劉伯芻宅郴州司馬李宗閔宅

次南安善坊

盡一坊之地為教弩場

隋明堂在此坊高宗時併此坊及大業坊之半立中市署領駝

馬牛驢之肆然以偏處京城之南交易者不便後降出文符於署司而已貨鬻者並移於東市至武太后末年

廢為教弩場其

場隸威遠軍

次南大業坊

本名宏業神龍初避孝敬皇帝諱改

東南隅太平女冠觀

本宋王元禮宅儀鳳二年吐蕃入寇求太平公主和親不許乃立此觀公主出家為女冠初以頌政坊宅為太平觀尋徙於此公主居之其頌政坊觀改為太清觀公主後降薛紹

不復入觀西有駙馬都尉楊慎交山池本徐王元禮之池

新昌觀

次南昌樂坊

太子太師鄭國公魏徵家廟

大中中來孫墓為相新舊廟以玄成為封祖行

臺左僕射屈突通宅山南東道節度使蔣係家廟官園

坊西官園供

進梨花審

次南安德坊

坊南抵京城之南
面東即啓夏門

右武衛將軍蘇万宅術士桑道茂宅

右朱雀街東第二街九坊

長安志卷七

欽定四庫全書

長安志卷八

宋 宋敏求 撰

唐京城二

朱雀街東第三街即皇城東之第一街

北當興安門之

大明宮南街東從北第一曰翊善坊

保壽寺

酉陽雜俎曰翊善坊保壽寺本高力士宅天寶九載捨為寺初鑄鐘成力士設齋慶之舉朝畢

至一擊施錘百千有窺其意遂擊一千杵經藏閣規模危巧二塔火珠投十餘斛河陽從事李琢性好奇古與僧善嘗俱至此寺觀庫中舊物忽於破瓮中得物如被幅裂汙全觸而塵起琢徐視之乃畫也因以州縣圖三及縫

三十換之令家人裝治大十餘幅訪於常侍柳公權方知張萱所畫石橋圖也玄宗賜力士因留寺中後為鬻畫者言於文宗左右特令節度使領軍卒數十人至宅宣勅取之即日進入文宗好古見之大悅命張於雲韶院

其西曰光宅坊

本翊善一坊之地置大明宮後開丹鳳門街遂分為二坊大和

九年鳳翔獻鄭注首詔懸於光宅坊西北角三日而去之

橫街之北光宅寺

儀鳳二年望氣者言此坊有興氣勅令掘得石函函內有佛舍利骨萬餘粒遂立光宅寺武太后始置七寶臺因改寺額名酉陽

雜俎曰寶臺甚顯登之四極眼界其上層窓下尉是畫下層窓下吳道玄畫皆非其得意也丞相韋處厚自居內庭至相位每歸輒至此塔焚香瞻禮普賢堂本天后

梳洗堂

次南永昌坊

坊東丹鳳門街

丹鳳門街東來庭坊

本永昌一坊之地與翊善坊同分隋末有仁法寺大

業七
年廢

丹鳳門街至此而絕特進王仁祐宅供奉內侍高延福

宅

力士父

右衛上將軍致仕梁守謙宅庄宅司

西坊

次南永興坊

隋有善果寺
大業中廢

西南隅左金吾衛

神龍中自崇仁坊徙

街西之北荷恩寺

景雲元年睿宗

立西門之北太子太師鄭國公魏徵宅

本隋安平公宇文愷宅封演見

聞錄曰徵所居室屋卑陋太宗欲為營構輒謙讓不受泊徵寢疾太宗將營小殿遂輟其材為造正堂五日而就開元中此堂猶在家人不謹遺火燒之子孫哭臨三日朝士皆赴弔後裔孫蕃相宣宗居舊第焉左龍

武軍統軍咸寧郡王戴休顏宅賜鳳翔陳許湖南進奏

院

次東廣化坊

左衛上將軍內侍監致仕仇士良宅玉山營

六軍十二衛觀軍容

使楊復恭宅在廣化坊近玉山營復恭假子守信為玉山軍使或告云謀亂詔李順節率禁軍誅之守信拒戰

昭宗御延喜樓際晚守信挈其族出通化門趨興元本傳誤作昭化坊按坊無名昭化者今以延喜及通化門證之即是廣化坊也

次南崇仁坊

北街當皇城之景風門與尚書省選院最相近又與東市相連接選

人京城無第宅者多停憩此因是工賈輻湊遂傾兩市晝夜喧呼燈火不絕京中諸坊莫之與比大歷中魚朝恩於坊之

南街設齋會奏內坊音樂

西南隅玄真觀

半以東本尚書左僕射申國公高士廉

長寧公主第東有山池別院即舊東陽公主亭子韋庶人敗公主隨夫為外官遂奏請為景龍觀仍以中宗年號為名初欲出賣官估木石當二千萬山池仍不為數天寶十二載改為玄真觀肅宗時設百高座講法坊

東南隅資聖寺

本太尉趙國公長孫無忌宅龍朔三年為文德皇后追福立為尼寺咸亨四年

改為僧寺長安三年七月火焚之灰中得經數部不損一字百姓施捨數日之間所獲鉅萬遂營造如故寺額

申州刺史殷仲容所題指法端妙京邑所稱酉陽雜俎曰淨土院門外相傳吳生一夕秉燭醉畫龍鬚戟手視

之惡駭院門裏盧稜伽畫盧常欲學吳勢吳亦傳以手訣乃盡總持三門寺方半吳生賞之謂人曰稜伽不得心訣用思太苦其能久乎果盡畢而卒北門之東寶刹寺

本邑里佛堂院隋開皇中立為寺佛殿後魏時造四面立柱當中構虛起兩層閣

棟樑屈曲為京城之奇妙故夫寺以寶刹為名東門

之北尚書左僕射許國公蘇瓌宅

本中書令薛元超宅

右散騎常

侍舒國公褚元量宅

賜第

坊南門之西禮會院

本長寧公主宅

及駙馬楊睿交奏割宅向西一半官市為禮會院每公
主郡縣主出降皆就此院成禮德宗寶錄曰初開元中
置禮會院於崇仁里自
兵興以來廢而不修

東都河南商汝汴淄青淮南兗

州太原幽州鹽州豐州滄州天德荆南宣歙江西福建

廣桂安南邕州黔南進奏院

次南平康坊

南門之東菩提寺

隋開皇二年隴西公李敬道及僧惠英所奏立寺西陽雜組曰寺之制度

鐘樓在東惟此寺緣李右座宅在東故建鐘樓於西寺內有郭令玳瑁鞭及郭令王夫人七寶帳大中六年改為保街之北陽化寺

隋內史舍人于宣道為父建唐寺平公義母獨孤夫人所立

西北

隅隋太師申國公李穆宅

其地景龍中為長寧公主府及鞠場景雲中廢并毬場散

賣與

西門之南尚書左僕射河南郡公褚遂良宅

自遂良父

太常卿亮居焉

西南隅國子祭酒韋澄宅蘭陵公主宅

太宗女降兗州

都督竇懷哲

萬安觀

天寶七載永穆公主出家捨宅置觀其地西南隅本梁國公姚元崇宅次東即

太平公主宅其後勅賜安西都護郭虔瓘後悉併為觀

東南隅右相李林甫宅

本尚

書左僕射衛國公李靖宅景龍中韋庶人妹夫陸頌所居韋氏敗靖姪孫散騎常侍令問居之後為林甫宅有

堂如偃月號月堂每欲排擠大臣即處之思所以中傷者若喜而出即其家碎矣又說其宅有妖在東北隅溝中至夜每火光大起見小兒持火出入林甫惡之奏分其宅東南隅立為嘉猷觀

見上嘉猷觀明皇

御書金字額以賜之林甫奏女為觀主觀中有精思院
王維鄭虔吳道子皆有畫壁林甫死後改為道士觀擇
道術者居之

南門之西刑部尚書王志愔宅次北戶部尚書

崔泰之宅侍中裴光庭宅太子賓客分司東都張弘靖

宅本國子司業崔融舊第有融題壁處同華河中河陽襄徐魏涇原靈武

夏州昭義浙西東容州進奏院

次南宣陽坊

東南隅萬年縣廨去府七里縣門屋宇文愷所造

太平公主降薛紹於

縣廨設婚席初以縣門隘窄欲毀之高宗
勅宇文愷所造製作多奇不須毀拆也

坊西南隅淨

域寺

隋文帝開皇五年立恭帝禪位止於此寺薨焉西陽雜俎曰本太穆皇后宅寺僧云三階院門外是

神堯皇帝射孔雀處佛殿內西座蕃神甚古質貞元已前西蕃兩度盟皆載此神立於壇而誓相傳當時頗有靈

按此寺興造與街之西北秋官尚書譙國公李誨宅為韋述記不同

韋溫宅韋氏誅南門之西杞國公竇毅宅

毅即太穆皇后之父宅西

後賜恩國公主南門有杞公廟

有皇后歸寧院後施淨西門之北尚書左僕射舒國公

韋巨源宅

次西北隅巷有國子祭酒韋叔夏光祿卿單思遠

街東之北刑部尚書李乂宅

次西有益州長史李

宅

次西有太子賓客鄭惟忠

東北隅兵部尚書郭元振宅奉慈寺

本開元中號國夫

人楊氏宅號國即

貴妃之姊其地本中書令馬周宅津陽門詩曰八姨新
起合歡堂注曰號國構一堂價費萬金堂成工人償價
之外更邀賞技之直復與絳羅五千段工者嗤而不顧
號國問其由工曰某平生之能殫於此矣苟不以信願
得蟠蟻蜥蜴蜂蠭之類數其目而投於堂中使有間隙
得亡一物即不論功直也於是又以繒絲珍具與之又
明皇雜錄曰貴妃姊號國夫人恩傾一時大治第宅棟
宇之盛世無與比其所居本韋嗣立舊宅韋氏諸子亭
午方偃息於堂廡間忽見一婦人衣黃帔衫降自步輦
有侍婢數十笑語自若謂韋氏諸子曰聞此宅欲貨其
價幾何韋氏降階言曰先人舊廬所未忍捨詔未畢有
工人數百登西廂掘其瓦木韋氏諸子既不能制乃率
家童挈其琴書委於衢路而自嘆曰不才每為勢家所
奪古人之戒將見於今日乎而與韋氏隙地十畝餘其
他一無所酬號國中堂既成召匠巧墁以二百萬償其
直而復以金盆二瑟瑟三斗為賞後曾有暴風拔樹委

於堂上已而視之略無所傷既徹瓦以觀皆承以木瓦其制精妙皆此類也按嗣立宅在歸德坊與上文不同又諸坊亦無名歸德者西陽雜姐曰安祿山復命百官以田軌真為京兆尹取北宅為寺後為駙馬都尉郭曖宅今上即位之初太皇太后為昇平公主追福奏立奉慈寺賜錢二十萬繡像三車軸左衛十寺僧四十人居之前司空兼右相楊國忠宅號國夫人居坊之左國忠第在其南西門之

南右羽林軍大將軍高仙芝宅右驍衛大將軍韓公武宅將作監韋文恪宅文宗時人右神武統軍張議潮宅咸通

六年歸義軍節度使張議潮自沙州入覲詔除統軍賜第一區邠寧東川振武鄂州進

奏院 權鹽院

次南親仁坊

西南隅咸宜女冠觀

容宗在藩之第明皇升極於此開元初置昭成肅明二皇后廟謂之

儀神廟睿宗升遐昭成遷入太廟而肅明留於此開元二十一年肅明皇后亦祔入太廟遂為肅明道士觀寶

應元年咸宜公主入道興太真觀換名焉西北隅尚書右僕射燕國公于志

寧宅

後併入相府閒地置廟後勅賜貴妃豆盧氏後左金吾大將軍程伯獻黃門侍郎李嵩等數家居焉

街東之北太子詹事韋琨宅

次東又有中書侍郎楊弘武太僕卿王希雋二宅雋

所居即隋兵部尚書樊于蓋宅北門之東駙馬都尉鄭萬鈞宅東門之

北滕王元嬰宅叛臣安祿山宅

祿山故事曰舊宅在道政坊玄宗以其隘陋更

於親仁坊選寬爽之地出內庫錢更造堂皇院宇。寧篠周匝帷帳幔幕充牋其中天寶九載祿山獻俘至京命入新宅譚賓錄曰祿山入朝勅於親仁坊南街造宅堂皇三重皆象宮中小殿房廊穿篠綺疏詰屈無不窮極精妙什物充牋以金銀織攜筐篋籬等每欲賞賜之明皇皆謂左右曰祿山眼孔大勿令笑人回元觀即祿山舊宅

尚父汾陽郡王郭子儀宅

譚賓錄曰宅居見津陽門詩

其地四分之一

通永巷家人三千相出入者不知其居又曰親仁里大啓其地里巷負販之人上至公子簪纓之士出入不間或云王夫人趙氏愛女方粧梳對鏡往往公麾下將吏出鎮去及郎吏皆被召令汲水持帨視之不異僕隸他日子弟集列啓諫公三不應於是繼之以泣曰大人功業已成而不自崇重以貴以賤皆游卧內某等以為雖尹霍不當如此也公笑而謂曰爾曹固非所料且吾官馬食粟者五百足官餼者一千人進無所往退無所據

向使崇垣扃戶不通內外百怨將起構以不臣其有貪
功害義徒成就其事則九族蠶粉噬臍莫追今蕩蕩無
間四門洞開雖讒毀是興無所加也

明皇
降女昌樂公主宅

明皇
降女

嗣畢國
公竇鍔太子太師汎國公李勉宅兵部尚書致仕歸崇

祁

敬宅劖南東川節度使馮宿宅

盧氏雜說曰宿從子袞為給事中宅南有山亭

院多養鵝鴨及雜禽之類常遣一家人主之謂之鳥省

西華公主宅

宣宗女降工部尚書嚴祁

大同軍節度使李國昌宅

咸通中朱邪赤心平徐州龐勛以功懿宗賜姓名編入屬

籍系鄭王房
又賜第一區

次南永寧坊

隋有明覺寺
大業七年廢

東南隅京兆府籍坊南門之東隋尚書左僕射房國公

蘇威宅西門之北隋兵部尚書田弘宅

弘子仁恭德懋及孫元基並以

孝義旌表時論美之

南門之西禮部尚書裴行儉宅東門之北贈

太尉祁國公王仁皎宅

本禮部尚書鄭善累宅後臨江王囂買之神龍初宗正卿李

晉居焉營造廊院稱為甲第晉誅後勅賜仁皎

西北隅中書令裴炎宅

炎死後沒官後

為徒

永寧園

賜祿山永寧園為邸又賜永穆公主池觀為游燕地

司天監

乾元元年改太

史監為司天監於永寧坊張守珪宅置官太

六十人其地即安祿山所賜永寧園也

開府儀同三

司博陵郡王李輔國宅彭王傳徐浩宅尚書右僕射致

仕高郢宅河東節度使同中書門下平章事王鍔宅

鍔子

稷住永寧里第宣義亭子時議以鍔因緣累居大鎮營第華侈既歿而入于官固其所也前京兆尹

楊憑宅

憑治第功役叢興又幽妙妾於永樂別舍論議頗謹坐是貶臨賀尉

前司空兼門

下侍郎同中書門下平章事王涯宅

乃楊憑故第家畫藏祕府諸名書畫

以金玉為倉軸鑿垣貯之重複祕固若不可窺者及被誅為人破垣剔取倉軸金玉而棄其書畫於道籍田宅入于河東節度使兼侍中李載義宅

太和五年載義自幽州入朝文宗賜

以居第及米麵錢帛芻藉極厚太子太保涼國公李聽宅衛尉卿李有

裕宅太傅致仕白敏中宅金吾大將軍張直方宅

自幽州入

朝居義成軍節度使兼中書令王鐸宅

三水小牘曰第
中別營書齋每

於退朝獨處其
中欣欣如也

次南永崇坊

東南隅七太子廟

其地本萬夔六州之鄉總章中以為明堂縣後徙縣於永樂坊神龍初立

懿德太子廟即中宗之長子禮閣新儀曰天寶六載詔
章懷節愍惠莊惠宣惠文太子雖官為立廟比來子孫
自祭或時物有闕禮儀不備宜與隱太子及懿德太子
列次諸室同為一廟遂於永崇坊東街就懿德太子同
立廟呼為七太子廟寶應二年停廟西靈應觀

隋道士宋道標

李大歷三年又加靖恭太子一室

所立街西之南刑部尚書韋抗宅祕書監楊鋗宅

明皇貴妃之兄宗

道觀

本興信公主宅賣與劔南節度使郭英乂其後入官大歷十二年為華陽公主追福立為觀司

徒兼中書令李晟宅

興元元年賜晟永崇里甲第詔宰臣諸節將會送是日特賜女樂八

人錦綵銀器等令教坊及太常備樂京兆府供具鼓吹迎道集宴京師以為榮觀東都留守杜

亞宅吏部尚書充諸道鹽鐵轉運等使李巽宅司徒兼

中書令韓弘宅放生池

次南昭國坊

隋有香海寺大業七年廢按此坊本犯中宗廟諱長安中改唐中葉

後多云招國招字殊無義理未詳

西南隅崇濟寺

本隋慈恩寺開皇三年魯郡夫人孫氏立貞觀二十二年以尼寺與慈恩僧寺

相近而騰業坊甘露尼寺又比於崇濟僧寺勅換所居
焉本牛弘宅神龍中改西陽雜組曰寺內有天后織成紋
龍被襯子及衣六事

太府少卿裴子餘宅即廢香海寺之地

太子太傅

致仕鄭絅宅尚書右丞庾敬休宅

國史補曰敬休宅屋壁有畫奏樂圖王維

嘗至其處維熟視而笑或問其故維曰此霓裳羽衣曲

第三疊第一拍好事者集樂工驗之無一差者夏

綏宥等州節度使李寔宅

寔堅守博野鎮穆山南西道宗賜其子方回宅

節度使崔琯宅

柳玭云崔氏居昭國宅子孫昌盛衣冠不絕

次南進昌坊

按唐人多云晉昌坊然晉進義同

半以東大慈恩寺

隋無漏寺之地武德初廢貞觀二年高宗在春宮為文德皇后立為

寺故以慈恩為名仍選林泉形勝之所寺成高宗親幸
佛像幡華並從宮中所出太常九部樂送額至寺寺南
臨黃渠之竹森邃為京都之最會昌五年詔天下廢寺
上都每街各留寺兩所僧各三十人左街留慈恩薦福
右街留西明莊嚴六年左街添置寺八所興唐保壽寺
兩所依舊額六所請改舊名僧寺四所寶應寺改為資
聖寺青龍寺改為護國寺菩提寺改為保唐寺清禪寺
改為安國寺尼寺二所法雲寺改為唐安寺崇敬寺改
為唐昌寺右街八所西明寺改為福壽寺莊嚴寺改為
聖壽寺六所添置二所依舊名僧寺一所天福寺尼寺
一所興聖寺並依舊六所請改名僧五所化度寺改為
崇福寺永泰寺改為萬壽寺溫國寺改為崇聖寺經行
寺改為龍興寺奉恩寺改為興福寺尼寺一所萬善寺
改為延唐寺酉陽雜俎曰寺本淨覺故伽藍因而營建
焉凡十餘院總一千八百九十七間勅度三百僧初三
藏自西域詔太常卿江夏王道宗設九部樂迎像入寺

綠車凡千餘兩上御安福門觀之太宗常賜三藏衲直
百餘金其工無鍼縱之跡殿庭大婆羅樹大歷中安西
進其木椿賜此寺四櫟櫟皆灼因
其木大僧行逢自種之一株不活寺西院浮圖六級崇
三百尺永徽三年沙門玄奘所立初唯五層崇一百九
十尺墮表土心做西域窣堵波制度以置西域
經像後浮圖心內卉木鑽出漸以頽毀長安中更坼改
造依東夏刹表舊式特崇於前有辟支佛牙大如升光
采煥爛東西南隅楚國寺本隋興道寺之地大業七年
有翻經院廢高祖起義并州第五子智
雲在京為隋留守陰世師等所害後追封為楚哀王因
此立寺水竹幽靜類於慈恩酉陽雜俎曰寺內楚哀王
身金剛像哀王繡襖半袖猶在長慶中賜織成雙鳳夾
黃襖子鎮在此寺中門內有放生池太和中賜白氍毹黃
勝衫東南隅興唐寺神龍元年太平公主為武太后立為
罔極寺窮極華麗為京都之名寺開

元二十六年改為興唐寺明皇御容在焉西門之南左侍極兼右相陸敦信

宅次南大理卿孫伏伽宅南門之東戶部尚書許國師宅北門之南太子詹事陸餘慶宅前中書侍郎同中書門下平章事元載別宅河中節度使兼中書令渾瑊宅

興元元年賜兼賜女樂五人錦綵銀器等義章公主宅宰臣節將會送有司備饌次於李晟馬

德宗女降張茂宗賜第太清宮禮閣新儀曰開元二十九年始詔兩京及諸州各置玄元皇帝廟一

所依道法設醮天寶元年正月陳王府參軍因同秀上言玄元皇帝降見于丹鳳門之通衢以天下太平聖壽無疆之言傳於玄宗仍告賜靈符尹喜之故宅上遣使就桃林縣函谷關令尹臺西得之於是置廟於太寧坊東

都於積善坊九月改廟為太上玄元皇帝宮二年正月
加號大聖祖三月勅西京改為太清宮東都為太微宮
諸州為紫極宮十二載二月加號大聖祖高上大道金
闕玄元天皇大帝每歲四時及臘修廟獻之禮初建廟
取太白山白石為真像乘冕之服當辰南向玄宗肅宗
真宗侍立於左右皆朱衣朝服宮垣之內連接松竹以
像仙居殿十二間四柱前後各兩階東西各側階一具
宮正門曰瓊華東門曰九靈西門曰三清御齋院在宮
之東公卿齋院在宮之西道士雜居其間天寶五載詔
刻石為李林甫陳希烈像列侍於聖容之側林甫犯事
又刻楊國忠之形而磨塵林甫之石及希烈國忠敗
又盡毀之八載立文宣王像與四真人列侍左右

次南安興坊

後改廣化坊隋有總
化寺大業七年廢

街之西北淨住寺

本隋吏部尚書裴弘齊宅開皇七年立為寺有石塔本姚襄之浴室街

北之東尚書左僕射郇國公韋安石宅叛臣朱泚宅

建中

中羣盜夜分數百騎迎泚於進昌坊泚號其宅為潛龍宮徙珍寶寶之人謂潛龍勿用亡兆也

次南通善坊

杏園 黃渠

次南通濟坊

坊南街抵京城之南面

侍中扶陽郡王桓彥範宅山南西道節度使令狐楚家廟尚書右僕射盧鈞家廟

右皇城東第一街之十五坊

朱雀街東第四街即皇城之東第二街街東從

北第一長樂坊

後改延政坊

太半以來大安國寺

睿宗在藩舊宅景雲元年立為寺以本封安國為名憲宗時吐突承

瓘盛營安國寺欲使李絳為碑文絳不肯撰後寢推圮

宣宗欲復修未克而崩咸通七年以先帝舊服御及孝

明太皇太后金帛俾左神策軍再建之酉陽雜俎曰紅

樓睿宗在藩時造元和中廣宣上人住此院有盛名時

號為紅樓集

西南隅興唐觀

本司農園地開元十八年造觀其時有勅令速成之遂坼興慶

宮通乾殿造天尊殿取大明宮乘雲閣造門屋樓白蓮

花殿造精思堂屋坼甘泉殿造老君殿元和年間命中

尉彭忠獻帥徒三百人修興唐觀賜錢千萬使壯其舊

制其觀北距禁城因是開複道為行幸之所以內庫綢

千足柴千斤為夫役之賜莊宅錢五十萬雜穀千石充修齋醮之費教坊元和十四年徙里延政

次南大寧坊

南門之東寧王憲宅宅以東岐王範宅西門之北戶部尚書陸象先宅次北開府儀同三司宋璟宅譚賓錄曰屋悉東面朝陽亳州刺史致仕王同晊宅同皎從父兄尚書兵部侍郎李巖宅天寶中造

次南勝業坊

本名宜仁後改

西南隅勝業寺

武德初高祖為沙門景暉立景暉言事多中高祖龍潛景暉夙啓先覺既立其

坊因此改名寺

寺多中高祖龍潛景暉夙啓先覺既立其

東又為立祠焉街北之西修慈尼寺

本弘濟僧寺隋開皇七年立貞觀二年以與甘露尼寺相

十年以與甘露尼寺相

近初自昭國坊換居之

寺西甘露尼寺隋開皇五年立

西北隅

薛王業宅

本贈禮部尚書韋行全宅

東北隅寧王憲山池院街北之

東銀青光祿大夫薛繪宅

繪兄弟子姪數十人同居一曲姻黨清華冠冕茂盛坊人

謂之薛曲

左散騎常侍徐堅宅太僕卿駙馬都尉豆盧建宅

尚建平公主

禮部尚書席豫宅中書舍人朱巨川宅 狗脊

嶺 陝府鄭滑進奏院

次南東市

隋曰都
會市

南北居二坊之地

東西南各六百步四面各開二門定四面街各廣百步北街當皇城南

之大街東出春明門廣狹不易於舊東西及南面三街向內開北廣於舊街市內貨財二百二十行四面立邸四方珍奇皆所積集萬年縣戶口減於長安又公卿以下居止多在朱雀街東第宅所占甚多由是商賈所湊多歸西市西市戶口少列律寬當中東市局次東平准自此之外繁雜稍劣於西市矣

局並隸太府寺東北隅有放生池分灌水渠自道政坊東入城西流注此池俗號為海

池

次南安邑坊

隋有右武衛大將軍宋國公賀若弼宅

街之北玄法寺

本隋禮部尚書張穎宅開皇六年立為寺西陽雜組曰安邑坊玄法寺者本里

人張穎宅穎嘗供養一僧僧念法華經為業積十餘年
張門人某諧僧通其侍婢因以他事殺之僧死後闔宅

嘗聞經聲不絕張尋知其冤慚悔無及因捨宅為寺

西南隅左衛大將軍范陽公

張延師宅

延師兄太師銀青光祿大夫華州刺史次兄植金紫光祿大夫營州都督兄弟三人同時

三品甲第宏敞高門洞開一宅之中榮戟齊列時人次
榮之號三戟張家其地景龍中司農卿趙履溫居焉次

東金吾大將軍楊執一宅太真觀

天寶五載貴妃姊裴氏請捨宅置太真女

冠觀寶應元年與肅明觀換名焉

奉誠園

司徒兼侍中馬燧宅在安邑里燧子少府監暢以貲甲天

下暢亦善殖財貞元末神策中軍楊志處諷使納田產遂獻舊第為奉誠園

中書侍郎同中

書門下平章事趙國公李吉甫宅

盧氏雜說曰李吉甫宅泓師謂其地形為

玉杯牛僧孺宅為金杯云玉杯一破無復全金杯或傷重可完僧孺宅在新昌里本天寶中將作大匠康譽晉自辨圖阜以其地當出宰相每命相誓必引頸望之宅卒為僧孺所得吉甫宅至德裕貶其家滅矣

次南宣平坊

平或作政

西南隅法雲尼寺

隋開皇三年令周鄭國公韋孝寬所立初名法輪寺睿宗在儲改法雲寺

景龍二年韋庶人改塑聖寺景雲元年復舊

寺本隋太保薛國長孫覽宅寺

東義陽府

貞觀中置

街南之西鼓吹局教坊街東宗正卿李

琇宅

又有琇弟左監門將軍璵宅二人齊居

尚書左僕射嚴綬宅

見乾熙子

子賓客羅珦宅太子少師鄭朗宅 宣慈寺大理卿劉

遵古宅

次南昇平坊

東北隅漢樂遊廟

漢宣帝所立因樂遊苑為名在高原上餘址尚存長安太平公主於原上

置亭遊賞後賜寧申岐薛王其地居京城之最高四望寬敞京城之內俯視指掌每正月晦日三月三日九月

九日京城士女咸就此登賞祓禊

西北隅有東宮藥園尚書右僕射裴

遵慶宅

國史補曰遵慶罷相知選朝廷優其年德令就第注官自宣平坊榜引士子以及東市兩街時

人以為盛事遵慶子向為吏部尚書致仕所居内外支屬百餘人所得祿俸必與同費稱其孝睦

刑部

尚書魏少遊宅左散騎常侍潘孟陽宅

孟陽盛葺第舍
伎勝用度過侈

憲宗微行至樂遊原望見之以問左右孟陽懼不敢答

兵部尚書柳公綽宅

公綽字仲

郢自拜諫議大夫後每遷官羣烏大集於第之庭未戰架皆滿比五日而散家人以為候唯除天平軍節度烏

不復集遂

太子太傅致仕劉沔宅

次南修行坊

本名修華武太后時避諱改修行坊景雲元年復舊後又改之隋有

通法寺大業七年廢

贈太子少保鄭宜尊宅蒲州刺史杜從則完工部尚書李建宅嶺南節度使胡証宅

証在鎮好操劍自奉修潔坊第連亘閭巷車器奢侈

議者非之李訓敗衛軍利其貯聲言賈餗匿其家爭入剽刦執其子殷送左軍斬之崔州司馬楊

收宅

收兄發假弟嚴皆顯貴號修行楊家與靖恭諸楊相比

次南修政坊

尚書右丞相張九齡宅尚書省亭子宗正寺亭子

輦下歲時

記曰新進士牡丹宴或在于此

次南青龍坊

東南隅廢普耀寺

隋開皇三年獨孤皇后為外祖崔彥珍所立開元二年廢

西南隅

廢日嚴寺

隋煬帝為晉王仁壽元年施營第材木所造因廣招名僧以居之貞觀六年廢

次南曲池坊

坊南街抵京城之南面
以近芙蓉園因以名

東北隅廢建福寺

龍朔三年為新成公主所立其地本隋天寶寺寺內隋彌勒閣崇一百五

十尺開元
二年廢

右皇城東第二街之十一坊及東市

長安志卷八